



ACTA DA SESIÓN ORDINARIA CELEBRADA POLO PLENO O 25 DE XANEIRO DE 2018.

ASISTENTES:

PRESIDENTA:

Abal Roma, Fátima (P.S.deG.-PSOE)

CONCELLEIROS:

Abal Varela, José Ramón (Cambados PODE)

Aragunde Aragunde, Luis (P.P.)

Brea Troncoso, Mónica (P.P.)

Caamaño Rivas, Víctor Manuel (B.N.G.)

Cacabelos Domínguez, María Josefa (B.N.G.)

Charlín Trigo, Xurxo (Participación Democrática Directa de Galicia/Somos Cambados)

Cordal Rodríguez, Constantino (Participación Democrática Directa de Galicia/Somos Cambados).

Gómez Blanco, Juan Ramiro (P.P.)

Iglesias Pombo, Antonio Joaquín (P.P.)

Martínez Piñeiro, Milagros (P.S.deG.-PSOE)

Oubiña Santos, Ana Isabel (P.P.)

Pérez Osorio, Miguel (P.S.deG.-PSOE)

Pomares Botana, Eulogio (P.P.)

Prado Cores, María Teresa (B.N.G.)

Serantes González, Luis Alberto (P.P.)

Varela Piñeiro, María Isabel (P.P.)

SECRETARIO XERAL

D. Francisco Javier Oubiña Lodeiro

No Salón de sesións da Casa Consistorial, sendo as vinte e unha horas, reúnen-se en primeira convocatoria os Concelleiros citados anteriormente, ao obxecto de celebrar a sesión ordinaria do Pleno, asistidos de min, o secretario xeral do Concello quen certifica.

Comprobada pola Secretaría a existencia do quórum necesario, declárase pola Sra. Alcaldesa-Presidenta aberta a sesión con arranxo ao seguinte orde do día:

Intervén a Sra. Alcaldesa quen dí que púxose este asunto de primeiro na orde do día poque se solicitou intervir no pleno tal e como permite o regulamento de participación cidadá e para que a xente que así o desexe e só lles interese este punto poidan, unha vez rematado, sair do pleno.

Dáselle a palabra a Don Ruperto Costa Fernández, Patrón Maior da Confraría de Pescadores San Antonio de Cambados quen intervén nos seguintes termos (a intervención resúmese)

Dí que os sectores productivos do mar decidiron que PDRA presentara en todos os concellos da ría esta moción da que vai facer un resumo. Fala da importancia do sector do mar na ría de arousa dando cifras correspondentes ao ano 2016 (o 44% de todas as mariscadoras a pé de toda Galicia está nesta Ría, así como o 41% de todas as embarcacións de artes menores, o 68,7 % de todas as bateas, o 69,9 % do total de buques auxiliares de pesca e acuicultura e o 38,6% dos buques de pesca de Galicia), dí que a mairía da xente vive directa ou indirectamente desta ría (se da traballo a outros sectores da economía, distribúen riqueza e incentivan outros negocios, os produtos da ría pasar polas depuradoras... e xeran traballo en estaleiros, carpinterías...)

Prosegue a dicir que a realidade desta ría é o resultado da comunión entre os seus valores naturais e calidade das súas augas coa produción do mar e o turismo e que se poñen en risco a calidades das nosas augas, oñen en risco todo porque a súa actividade é a que asenta poboación e irradia riqueza no conxunto da sociedade. Dí que o río Ulla é o máis caudaloso e longo dos que alimentan a ría, se o río baixa be aumenta a produción, se o río baixa contaminado diminúe tanto a calidade como a cantidade do marisco.

O macro-proxecto da mina de Touro vai aumentar a drenaxe de contaminantes cara o río Ulla e vai afectar á riqueza productiva e



CONCELLO DE
CAMBADOS

ambiental así como á economía e á saúde. Fala de que a empresa que vai a executar o proxecto ten sede en Chipre e está participada por unha empresa mineira chinesa e outra suíza que queren diñeiro rápido pero que van utilizar produtos químicos algún deles perigosos para a vida do río e do mar. Que lles dín que é seguro pero que a realidade dí todo o contrario (da exemplos). Por todo iso solicita deixen ao lado as diferenzas políticas e aproben a moción.

1º.- Acordo de Goberno sobre a demanda da Plataforma en Defensa da Ría de Arousa.





AOS GRUPOS POLÍTICOS DA CORPORACIÓN MUNICIPAL DO CONCELLO DE CAMBADOS PARA PRESENTACIÓN E DEBATE EN PLENO.

Os abaixo asinantes, na representación que se cita, propoñen aos Grupos Municipais para que presenten ao Pleno da Corporación, para debate e resolución, a seguinte proposta:

Exposición de Motivos

Sobre a importancia do sector do mar de Arousa na economía local.

O sector primario do mar de Arousa é estratéxico na economía local, polo emprego directo que xera; mariscadoras a pé, bateiros, mariñeiros, mariscadores a flote, etc. constitúen un amplísimo colectivo que ten o seu medio de vida no mar. Este sector xera empregos estables, tamén en épocas de crise, en comparación con outras actividades xa que este sector resiste mellor os vaivéns do ciclo económico, como se veu demostrando nos últimos anos. En cifras, este sector representa o 1,33% da produción total da economía galega, achega o 33% do valor engadido xerado no conxunto do sector a nivel galego e dá traballo, directo ou indirecto, a miles de familias.

No ano 2016, traballan na ría o **44% das mariscadoras/es a pé**, mais do **41% das embarcacións de artes menores** e o **68,7% das bateas de mexillón** de Galicia. Nas lonxas arousáns poxáronse **38.329.584 kg de produtos da pesca e do marisqueo** que se traduciron en **91.301.357 euros**. E nas augas de Arousa colleitáronse **174.497.538 kg de mexillón** (máis 70% do mexillón producido en Galicia), cun valor de **77.999.843 euros**.

A frota pesqueira de Arousa está composta por **1.709 buques de pesca e 842 auxiliares de pesca e acuicultura**, respectivamente o **38,6%** e o **69,9%** do total de Galicia.

De feito o sector primario do mar en Arousa é un sector estratéxico na economía dos nosos pobos e vilas pola riqueza e emprego que induce ademais en diversas actividades en terra:

- empresas destinatarias dos nosos produtos (depuradoras de moluscos, cocedoiros, conserveiras, centros de conxelación e pasteurización, procesadores, comercializadores)
- empresas proveedoras de servizos e subministracións (estaleiros, cordoarias, carpintaría, montaxes e maquinaria)

- actividades auxiliares e de apoio, como transportes, centros de investigación, formación e control do medio mariño, etc.

Á importancia económica derivada do sector primario do mar arosán únese o valor social que adquire nos municipios costeiros, onde irradia beneficios socioeconómicos entre amplas capas da poboación, converténdose nun importantísimo mecanismo de distribución e reparto de riqueza no entorno local que incentiva a implantación de actividades e pequenos negocios.

Asemade, este conxunto de actividades do mar teñen un importante valor dende o punto de vista etnográfico e gastronómico, o que aporta trazos de identidade propia e de diferenciación a través da calidade do local que son aproveitados por un dos sectores que actualmente presenta un maior desenvolvemento económico, o turismo. Así, o turismo en Arousa susténtase sobre catro piares: a calidade das augas e dos produtos que saen delas, a singularidade etnográfica ligada ao mar, a beleza da paisaxe costeira e unha gastronomía que ten como emblema os produtos do mar locais.

Este forte vencello entre as actividades primarias e o entorno onde se desenvolve singulariza a paisaxe da ría de Arousa que é única, coa actividade das bateas, as embarcacións de pesca artesanal e o marisqueo. Todos eles producindo peixes e mariscos de calidade, aos que os consumidores outorgan alta estima e prestixio. Todo elo suma e atrae cada ano a un número maior de turistas que sustentan un volume crecente de negocios, grandes e pequenos, nas localidades arosáns.

Pero todo isto pode verse en risco se se compromete a calidade das augas da ría; tamén augas arriba as do río Ulla, o máis caudaloso e longo dos que alimentan a ría de Arousa.

Sobre a importancia ambiental do Río Ulla e da ría de Arousa.

A riqueza pesqueira e mariñeira que se resaltou na primeira exposición de motivos deste documento descansa sobre a riqueza ambiental existente na ría de Arousa e os ríos que nela desembocan, onde a saúde do río Ulla ten un papel fundamental, xa que alimenta dun xeito moi importante de sedimentos e nutrientes á ría.

Esta riqueza ambiental está amplamente recoñecida, non so por publicacións científicas, senon pola propia lexislación ambiental. A ese respecto cabe destacar a declaración de varios Espazos Protexidos, como son:

-O Parque Nacional Marítimo-Terrestre das Illas Atlánticas de Galicia (declarado o 1 xullo de 2002, mediante a lei 15/2002). Este Parque inclúe 4 arquipélagos e o mar que os rodea, entre os que se atopa o de **Cortegada, na desembocadura do río Ulla**, e a illa de Sálvora, na zona exterior da ría de Arousa. Este Parque Nacional, (unha das figuras de protección máis restrictivas que se poden aplicar sobre un espazo natural) declarouse polas especial riqueza ambiental dos seus

fondos mariños e debe velar pola súa conservación.

-**A Zona de Especial Conservación Ulla-Deza**, (declarado o 31 de marzo de 2014, polo Decreto 37/2014) que protexe a maior parte do río Ulla ata Rianxo. Dito río ten gran importancia ambiental onde destaca a presenza de peixes como lamprea e salmón, especies moi sensibles á contaminación das augas.

Así mesmo a ría de Arousa, xa na parte exterior acolle o ZEC Ons-O Grove e o Parque Natural do complexo dunar de Corrubedo e Lagoas de Carregal e Vixan, que ten zona mariña dentro da súa superficie protexida.

A ría de Arousa é unha unidade ecolóxica que non se pode desligar dos ríos que a alimentan, e os 4 espazos protexidos que esta ría acolle é un bo indicador da inmensa riqueza ambiental que posúe e que por lei debe ser amparada.

A administración debe velar pola conservación dos espazos protexidos da ría de Arousa. A reactivación da mina de Touro aumentará a drenaxe de contaminantes hacia a cunca do Ulla, afectando irremisiblemente á riqueza ambiental da ría, e consecuentemente á riqueza económica que sustenta.

Sobre o proxecto de explotación da mina de cobre San Rafael sita nos concellos de Touro e O Pino.

O pasado 25 de agosto saíu a exposición pública o proxecto da explotación mineira de cobre San Rafael, nº 2946, sita nos concellos de Touro e O Pino, na canle media do río Ulla.

Este xacemento foi anteriormente explotado entre 1970 e 1986; a partir desta data abandonouse a explotación deste mineral deixando unha grande superficie cuberta por entullos, balsas de lodos, etc. Trinta e un anos despois aínda non se restauraron todas as superficies afectadas.

Isto provocou no entorno unha forte contaminación dos solos e das augas, tanto das superficiais como das soterradas. Augas de drenaxe hipercedas con concentracións altas de metais que contaminaron varios afluentes do río Ulla. A contaminación actual do estuario do río ten unha relación directa con esta mina.

Agora queren reactivar e ampliar esta concesión, coa participación do grupo multinacional Atalaya Mining, como consecuencia dos altos prezos do cobre estimulados pola demanda do mercado.

Inicialmente van a actuar durante dezaseis anos e medio sobre **689,65 hectáreas** das 1.827 que ocupa a concesión, en dez ocos mineiros a ceo aberto dos que se prevé extraer **267,1 millóns de toneladas** de materiais; 102,74 millóns de toneladas de mineral de cobre. Para extraer os materiais realizarán 6 voaduras diarias

Procedemento de selección de produtos para a promoción do turismo en Cambados (España)



CAMBADOS
2017 Cidade Europea do Vino



CAMBADOS
CONCELLO DE CAMBADOS

*Feita
a man*

(cada unha con entre 9 e 16 toneladas de explosivos) o que producirá microterremotos que afectarán á estabilidade dos diques de contención das balsas de lodos.

O proxecto estima que durante os tres primeiros anos vanse verter ata **mil millóns de litros anuais** de augas que, despois de ser utilizada no tratamento químico necesario para precipitar os metais, será vertida ao Dominio Público Hidráulico.

Os lodos do proceso almacenaranse en **dúas balsas**: (i) unha auxiliar cunha capacidade de almacenamento de **34 millóns de toneladas** estará contida por un muro de mais de 3 km de lonxitude e unha altura de ata 81 metros, e (ii) unha balsa permanente formada entre as cortas de Arindeiro e Viveiro (chamada lagoa de Arindeiro e Vieiro) cunha capacidade de almacenamento de **69 millóns de toneladas** estará contida por un muro de case 3 km de lonxitude e unha altura de entre 55 e 74 m.

Debido a que estes son os **residuos máis perigosos**, por ser **xeradores de drenaxes acedas mobilizadoras de metais**, está previsto almacenalos en depósitos impermeabilizados mediante xeomembrana PEAD e xeotéxtil. Estas balsas, que conterán a maiores os restos non degradados dos **compostos químicos empregados na separación do cobre** (algún sospeitoso de causar cancro), van ocupar unha superficie total de **269 hectáreas**, o que nos dá idea do enorme volume de residuos perigosos almacenados.

Ademais se proxecta unha entulleira de **estériles potencialmente xeradores de ácidos** cunha capacidade de **58 millóns de toneladas** que ocupará unha superficie de 484.000 m², e **diversas entulleiras para os estériles non inertes** con menor capacidade de mobilización de metais.

Ante os previsibles efectos prexudiciais que todos estes materiais van ter na calidade das augas dos afluentes do río Ulla, a empresa prevé o impermeabilizado e clausura destes materiais ao final do proxecto, sen ter en conta que os impermeabilizantes degradanse e caducan co tempo polo que se verá incrementada a contaminación das augas proporcionalmente ao volume de residuos perigosos almacenados.

Por todo o expresado anteriormente, a empresa non garante dabondo que os metais tóxicos, os reactivos das augas do proceso, os lixiviados das cortas e das entulleiras non vaian afectar ás augas e sedimentos do río Ulla.

Os concellos situados río abaixo da mina poden verse afectados pola contaminación das augas do río nas captacións de auga potable.

A experiencia previa constatou o importante dano ambiental que esta explotación mineira orixinou e segue orixinando na cunca do principal río que desemboca na ría de Arousa. De feito na actualidade o rego de Pucheiras –afluente do Ulla- tras estar en contacto coa zona de explotación abandonada amosa niveis de cadmio e de mercurio moi superiores aos máximos legais permitidos.

A execución deste novo macro-proxecto de explotación mineira na cunca do

Ulla pon en risco a principal área de produción de moluscos da UE, a ría de Arousa. Por tanto as administracións deberían aplicar o “principio de precaución” para protexer as actividades de pesca, marisqueo e cultivo de mexillón que se realizan nesta ría.

A execución deste macro-proxecto tamén pon en risco as captacións de auga potable de concellos de Vedra, Boqueixón, Teo, Padrón, Dodro, Rianxo, Boiro, A Pobra do Caramiñal, Ribeira, Pontecesures, Valga, Catoira e Vilagarcía de Arousa.

A execución deste macro-proxecto tamén pon en risco os valores naturais protexidos como o ZEC Sistema fluvial Ulla-Deza, as especies ameazadas (nomeadamente o mexillón de río, *Margaritifera margaritifera* e a toupa de río, *Galemys pyrenaicus*) e o Humidal Ramsar Complexo intermareal Umia-Grove-Carreirón.

Por todo isto, os distintos sectores do mar de Arousa temos solicitado á Consellería do Mar e á Consellería de Economía, Emprego e Industria a retirada do proxecto de explotación da mina de San Rafael de Touro-O Pino e

propoñemos que o Pleno Municipal acorde:

1.- Instar ás Consellerías do Mar e de Economía, Emprego e Industria que se desestime a autorización administrativa á actualización do proxecto de explotación, plan de restauración e estudo de impacto ambiental da concesión de explotación San Rafael, nº 2946, ditando así mesmo unha declaración ambiental desfavorable en virtude dos efectos negativos para o medio ambiente e a incompatibilidade do proxecto coa debida protección das augas da cunca e da desembocadura do Ulla, dos espazos naturais deste sistema fluvial, coas captacións de auga potable de numerosos concellos, coa riqueza pesqueira e marisqueira da ría de Arousa e, en concreto coas áreas de produción de moluscos bivalvos ESO14PEAEGAL-19, ESO14PEAEGAL-18/02 e ESO1429.

5

2.- Instar á Xunta de Galicia para que se promova unha completa restauración da antiga explotación mineira de Touro, eliminando os focos de contaminación de metais pesados, para como mínimo asegurar que esta explotación non compromete a calidade ambiental do río Ulla e da ría de

Arousa.

**3.- Remitir o texto do acordo acadado polo Pleno Municipal a
PLATAFORMA EN DEFENSA DA RÍA DE AROUSA (PDRA), Avda. Dr. Tourón
nº 44 -entrechán, C.P. 36600, correo-electrónico pdrarousa@gmail.com**

En CAMBADOS a 17 de XANEIRO do 2018

D. _____ titular do DNI. _____, con domicilio en
_____, en nome propio e en representación de _____,

D. _____ titular do DNI. _____, con domicilio en
_____, en nome propio e en representación de
_____.

D. _____ titular do DNI. _____, con domicilio en
_____, en nome propio e en representación de
_____.

D. _____ titular do DNI. _____, con domicilio en
_____, en nome propio e en representación de _____,

D. _____ titular do DNI. _____, con domicilio en
_____, en nome propio e en representación de
_____.

Intervén a Sra. Cacabelos Domínguez quen da as grazas pola súa presenza no pleno a tod@s os traballadores do mar, dí que como explicou o patrón maior pode poñerse en risco a Ría de Arousa, procede á lectura da parte dispositiva da moción e espera que todos os grupos apoiem a moción.

Intervén o Sr. Aragunde Aragunde quen da as boas noites a todos os presentes no salón de plenos. Anuncia que o PP de Cambados vai votar a favor desta moción, que consiste en apoiar aos sectores produtivos e que lle gusta moito o espírito no que se está a debater. Dí que a lei foi do bipartito e que non van defender un proxecto que vaia en contra do municipio.

Intervén o Sr. Abal Varela quen dí que están dacordo e que comparten os mesmos argumentos.

Intervén o Sr. Cordal Rodríguez quen dí que a Xunta de Galicia non debería autorizar este proxecto, que hoxe no pleno do concello de Cáceres rexeitouse unha a ceo aberto. Remata dicindo que Somos Cambados e En Marea apoian esta moción e conta o sector do mar co seu apoio.

Intervén o Sr. Caamaño Rivas quen dí que él non vai falar de medio ambiente nin de recursos naturais senón que vai falar de política. Dí que discrepa do Patrón maior cando dí que deixemos a política a parte, que hai grupos que aquí non teñen poder, que o teñen en Madrid, a xente do PP ten a posibilidade de parar isto e se non o fan é porque non están a peñlexar polos intereses dos galegos. Dí que teñen que saber que isto ten un trasfondo, os que gobernan non gobernan para vos, que se alegra que o PP vote a favor aquí pero que dubida que se movan para que en Santiago cambien de opinión. Remata dicindo que o BNG está en contra da mina de Touro e calquera explotación dese estilo.

Intervén a Sra. Alcaldesa quen subscribe as palabras dos voceiros, que tiñan unha moción do PSdeG-PSOE anteriormente pero que optaron por non debatila para que agora isto se poida aprobar por unanimidade, agradece que estean a pelexar por todos. Asimesmo agradece que o PP vote a favor.

Intervén o Sr. Aragunde Aragunde quen dí que a lei que está en vigor é a lei 3/2008 aprobada polo bipartito e co PSOE gobernando en Madrid.

Sometido o acordo de goberno a votación este é aprobado por unanimidade (17). En consecuencia queda aprobada o acordo de Goberno sobre a demanda da Plataforma en Defensa da Ría de Arousa, nos mesmos termos nos que se presentou.

I PARTE RESOLUTIVA

Ratifícase a inclusión do punto na orde do día por unanimidade (17)

2º.- APROBACIÓN INICIAL, SE PROCEDE, DE MODIFICACIÓN DA ORDENANZA FISCAL REGULADORA DO IMPOSTO SOBRE BENS INMOBLES.

Intervén o Sr. Charlín Trigo quen dí que os puntos 2 a 4 son necesarios para aprobar o punto 5º que é a adhesión ao protocolo xeral de actuación entre a Xunta de Galicia e a FEGAMP para fomentar a implantación e fixación de empresas en Galicia mediante a creación da iniciativa “Concellos Doing Business Galicia”. Prosegue dicindo que existe informe favorable de intervención, existía unha controversia coa modificación dunha ordenanza que xa logo a Xunta de Galicia eliminou xa que se deberon queixar outros interventores. No que respecta a manter as bonificacións durante 3 exercizos a interventora dí que ao cambiar a Corporación este acordo pode restarlle independencia, dí que se non nos acollemos a este protocolo de actuación poderíamos perder subvencións para o polígono con Ribadumia e o Obradoiro de Emprego. Entende que será positiva a adhesión, que o concello de Cambados leva adoptando medidas para atraer empresas e fomentar o emprego, como o viveir de empresas. Remata dicindo que queren presentar isto en prazo para que lles dé tempo a enviar a documentación.

Intervén o Sr. Aragunde Aragunde quen dí que están a favor, que non se poden perder estas subvencións da Xunta de Galicia.

Sometida a proposta a votación esta é aprobada por unanimidade (17) sendo o texto do acordo o seguinte:

ACORDO DE GOBERNO PARA A MODIFICACIÓN DA ORDENANZA FISCAL REGULADORA DO IMPOSTO SOBRE BENS INMOBLES

Xurxo Charlín Trigo, con DNI 76.862.042-K, concelleiro do Ilmo. Concello de Cambados, en base ao disposto nos artigos 91.4 e 97.3 do Regulamento de Organización, Funcionamento e Réxime Xurídico das entidades locais e demais normativa que poida resultar de aplicación, presenta, diante do Pleno da Corporación este ACORDO DE GOBERNO, en base á seguinte

Exposición de motivos

Visto o convenio de colaboración entre a Xunta de Galicia e a Federación Galega de Municipios e Provincias (FEGAMP) para establecer un marco de colaboración entre a Xunta de Galicia e as diferentes administracións locais de Galicia, de xeito que poidan implicarse de maneira directa no fomento da implantación e fixación de empresas no territorio da Comunidade Autónoma de Galicia, mediante a posta en marcha da iniciativa "Concellos Doing Business Galicia", dentro do cal as Entidades Locais poderán asinar a súa adhesión ao convenio.

Á vista do expediente formado, a Concellería de Economía, Facenda, Comercio, Industria e Promoción Económica, propón que, o Pleno da Corporación adopte o seguinte ACORDO de modificación de Ordenanzas fiscais do Concello:

1º) MODIFICAR A ORDENANZA REGULADORA DO IMPOSTO SOBRE BENS INMOBLES.

PRIMEIRO.- Modificar parcialmente a ordenanza reguladora do imposto sobre bens inmobles, nos termos que se transcriben a continuación:

1. Engádir un novo apartado ó artigo 4, letra B), punto 1 desta ordenanza fiscal, para a introdución da seguinte bonificación potestativa de carácter rogado por especial interese ou utilidade pública.

ARTIGO 4- Bonificacións

B) Bonificacións potestativas

1. Bonificacións por especial interese ou utilidade pública

- Bonificación por implantación dunha nova actividade económica ou empresarial ou ampliación das instalacións.

1.- Terán dereito a seguinte bonificación na cota íntegra do imposto os inmobles urbanos nos que se desenvolvan actividades económicas que sexan declaradas de especial interese ou utilidade municipal por concorrer circunstancias de fomento do emprego. Esta medida será de aplicación unicamente a aqueles supostos de implantación dunha nova actividade económica ou empresarial, así como a aqueles outros que consistan nunha ampliación das instalacións sempre e cando implique creación de emprego. Para estes supostos declarados de especial interese ou utilidade municipal por concorrer circunstancias de fomento do emprego a bonificación terá os seguintes tramos:

- Ata 95 por 100 pola creación de mais de 20 postos de traballo

- Cando menos 75 por 100 pola creación de entre 11 e 20 postos de traballo

- Cando menos o 50 por 100 pola creación de ata 10 postos de traballo

2.- Para a concesión de dita bonificación deberán concorrer, en todo caso, os seguintes requisitos:

-A solicitude de declaración de especial interese ou utilidade pública municipal por fomento do emprego, deberá realizarse unha vez iniciada a actividade da explotación económica en Cambados, debendo acompañarse á mesma documentación acreditativa de que se cumpran os requisitos previstos no presente apartado.

-O suxeito pasivo do Imposto haberá de ser, necesariamente, o titular da explotación económica que se desenvolva no Inmóble sito en Cambados e para a que se solicita a declaración de especial interese ou utilidade municipal por fomento de emprego e/ou sociais.

-O goce definitivo deste beneficio fiscal quedará condicionado, así mesmo, á permanencia en activo dos centros de traballo situados en Cambados, durante o período ao que se aplique a presente bonificación. O suxeito pasivo deberá atoparse ao corrente no pago dos tributos locais e das cotas correspondentes á Seguridade Social. No caso de actividades xa existentes en Cambados, ou de traslado das mesmas, haberá de xustificarse que no ano anterior á solicitude non houbo diminución de persoal no centro de

traballo para o cal se solicita a bonificación, nin con motivo do traslado. Pola súa banda, anualmente, deberá xustificarse que non se produciu diminución do persoal no centro de traballo situado no inmovible obxecto de bonificación. Esta bonificación non será compatible coa aplicación das outras bonificacións fiscais do imposto, reguladas na presente Ordenanza fiscal

2.- Derrogar a bonificación potestativa por inicio de actividade prevista no guión terceiro do apartado 1, da letra B, do artigo 4 desta ordenanza fiscal.

3. Modificar disposición final desta ordenanza, nos seguintes termos:

A modificación da presente ordenanza fiscal, unha vez publicada integramente no Boletín Oficial da Provincia de Pontevedra, entrará en vigor o 1 de xaneiro de 2019, e permanecendo en vigor hasta a súa modificación ou derogación expresa.

SEGUNDO.- Dar ao expediente a tramitación e publicidade preceptiva, mediante exposición do mesmo no taboleiro de anuncios deste Concello por prazo de trinta días hábiles, publicando o anuncio de exposición no Boletín Oficial da Provincia e nun diario dos de maior difusión da provincia. Durante o prazo de exposición pública do expediente os interesados poderán examinalo e expor as reclamacións que estimen oportunas.

TERCEIRO.- Considerar, no caso de que non se presentasen reclamacións ao expediente, no prazo anteriormente indicado, que o Acordo é definitivo, en base ao artigo 17.3 do Real Decreto Legislativo 2/2004, do 5 de marzo, polo que se aproba o Texto Refundido da Lei Reguladora das Facendas Locais.

Ratifícase a inclusión do punto na orde do día por unanimidade (17)

3º.- APROBACIÓN INICIAL, SE PROCEDE, DE MODIFICACIÓN DA ORDENANZA FISCAL REGULADORA DO IMPOSTO SOBRE ACTIVIDADES ECONÓMICAS.

Sometida a proposta a votación esta é aprobada por unanimidade (17) sendo o texto do acordo o seguinte:

ACORDO DE GOBERNO PARA MODIFICACIÓN DA ORDENANZA FISCAL REGULADORA DO IMPOSTO SOBRE ACTIVIDADES ECONÓMICAS

Xurxo Charlín Trigo, con DNI 76.862.042-K, concelleiro do Ilmo. Concello de Cambados, en base ao disposto nos artigos 91.4 e 97.3 do Regulamento de Organización, Funcionamento e Réxime Xurídico das entidades locais e demais normativa que poida resultar de aplicación, presenta, diante do Pleno da Corporación este ACORDO DE GOBERNO, en base á seguinte

Exposición de motivos

Visto o convenio de colaboración entre a Xunta de Galicia e a Federación Galega de Municipios e Provincias (FEGAMP) para establecer un marco de colaboración entre a Xunta de Galicia e as diferentes administracións locais de Galicia, de xeito que poidan implicarse de maneira directa no fomento da implantación e fixación de empresas no territorio da Comunidade Autónoma de Galicia, mediante a posta en marcha da iniciativa "Concellos Doing Business Galicia", dentro do cal as Entidades Locais poderán asinar a súa adhesión ao convenio.

Á vista do expediente formado, a Concellería de Economía, Facenda, Comercio, Industria e Promoción Económica, propón que, o Pleno da Corporación adopte o seguinte ACORDO de modificación de Ordenanzas fiscais do Concello:

1º) MODIFICAR ORDENANZA FISCAL REGULADORA DO IMPOSTO SOBRE ACTIVIDADES ECONÓMICAS.

PRIMEIRO.- Modificar parcialmente a ordenanza reguladora do imposto sobre actividades económicas, nos termos que se transcriben a continuación:

1. Engadir un apartado terceiro ó artigo 3 da ordenanza fiscal reguladora do Impostos sobre actividades económicas, para a introdución da seguinte bonificación potestativa de carácter rogado por especial interese ou utilidade pública:

ARTIGO 3- Bonificacións

3. Bonificacións por especial interese ou utilidade pública

1.- Terán dereito a unha bonificación na cota correspondente os suxeitos pasivos que tributen por cota municipal e que desenvolvan actividades

económicas que sexan declaradas de especial interese ou utilidade municipal por concorrer circunstancias de fomento do emprego que xustifiquen tal declaración. Esta medida será de aplicación unicamente a aqueles supostos de implantación dunha nova actividade económica ou empresarial, así como a aqueles outros que consistan nunha ampliación das instalacións sempre e cando implique creación de emprego.

Para estes supostos declarados de especial interese ou utilidade municipal por concorrer circunstancias de fomento do emprego a bonificación terá os seguintes tramos:

- Ata 95 por 100 pola creación de mais de 20 postos de traballo
- Cando menos 75 por 100 pola creación de entre 11 e 20 postos de traballo
- Cando menos o 50 por 100 pola creación de ata 10 postos de traballo

2. Para a concesión de dita bonificación deberán concorrer, en todo caso, os seguintes requisitos:

-A solicitude de declaración de especial interese ou utilidade pública municipal por fomento do emprego, deberá realizarse unha vez iniciada a actividade da explotación económica en Cambados, debendo acompañarse á mesma documentación acreditativa de que se cumpran os requisitos previstos no presente apartado.

-O suxeito pasivo do Imposto haberá de ser, necesariamente, o titular da explotación económica que se desenvolva no Inmable sito en Cambados e para a que se solicita a declaración de especial interese ou utilidade municipal por fomento de emprego e/ou sociais.

-O goce definitivo deste beneficio fiscal quedará condicionado, así mesmo, á permanencia en activo dos centros de traballo situados en Cambados, durante o período ao que se aplique a presente bonificación. O suxeito pasivo deberá atoparse ao corrente no pago dos tributos locais e das cotas correspondentes á Seguridade Social. No caso de actividades xa existentes en Cambados, ou de traslado das mesmas, haberá de xustificarse que no ano anterior á solicitude non houbo diminución de persoal no centro de traballo para o cal se solicita a bonificación, nin con motivo do traslado. Pola súa banda, anualmente, deberá xustificarse que non se produciu diminución do persoal no centro de traballo situado no inmable obxecto de

bonificación. Esta bonificación non será compatible coa aplicación das outras bonificacións fiscais do imposto, reguladas na presente Ordenanza Fiscal.

2. Modificar disposición final desta ordenanza, nos seguintes termos:

A modificación da presente ordenanza fiscal, unha vez publicada integramente no Boletín Oficial da Provincia de Pontevedra, entrará en vigor o 1 de xaneiro de 2019, e permanecendo en vigor hasta a súa modificación ou derogación expresa.

SEGUNDO.- Dar ao expediente a tramitación e publicidade preceptiva, mediante exposición do mesmo no taboleiro de anuncios deste Concello por prazo de trinta días hábiles, publicando o anuncio de exposición no Boletín Oficial da Provincia e nun diario dos de maior difusión da provincia. Durante o prazo de exposición pública do expediente os interesados poderán examinalo e expor as reclamacións que estimen oportunas.

TERCEIRO.- Considerar, no caso de que non se presentasen reclamacións ao expediente, no prazo anteriormente indicado, que o Acordo é definitivo, en base ao artigo 17.3 do Real Decreto Lexislativo 2/2004, do 5 de marzo, polo que se aproba o Texto Refundido da Lei Reguladora das Facendas Locais.

Ratifícase a inclusión do punto na orde do día por unanimidade (17)

4º.- APROBACIÓN INICIAL, SE PROCEDE, DE MODIFICACIÓN DA ORDENANZA FISCAL REGULADORA DO IMPOSTO SOBRE CONSTRUCCIÓN, INSTALACIÓN E OBRAS.

Sometida a proposta a votación esta é aprobada por unanimidade (17) sendo o texto do acordo o seguinte:

ACORDO DE GOBERNO PARA MODIFICACIÓN DA ORDENANZA FISCAL REGULADORA DO IMPOSTO SOBRE CONSTRUCCIÓN, INSTALACIÓN E OBRAS

Xurxo Charlín Trigo, con DNI 76.862.042-K, concelleiro do Ilmo. Concello de Cambados, en base ao disposto nos artigos 91.4 e 97.3 do Regulamento de Organización, Funcionamento e Réxime Xurídico das entidades locais e demais normativa que poida resultar de aplicación,

presenta, diante do Pleno da Corporación este ACORDO DE GOBERNO, en base á seguinte

Exposición de motivos

Visto o convenio de colaboración entre a Xunta de Galicia e a Federación Galega de Municipios e Provincias (FEGAMP) para establecer un marco de colaboración entre a Xunta de Galicia e as diferentes administracións locais de Galicia, de xeito que poidan implicarse de maneira directa no fomento da implantación e fixación de empresas no territorio da Comunidade Autónoma de Galicia, mediante a posta en marcha da iniciativa "Concellos Doing Business Galicia", dentro do cal as Entidades Locais poderán asinar a súa adhesión ao convenio.

Á vista do expediente formado, a Concellería de Economía, Facenda, Comercio, Industria e Promoción Económica, propón que, o Pleno da Corporación adopte o seguinte ACORDO de modificación de Ordenanzas fiscais do Concello:

1º) MODIFICAR ORDENANZA FISCAL REGULADORA DO IMPOSTO SOBRE CONSTRUCCIÓNS, INSTALACIÓN E OBRAS

PRIMEIRO.- Modificar parcialmente a ordenanza reguladora do imposto sobre actividades económicas, nos termos que se transcriben a continuación:

1. Engadir un apartado sétimo ó artigo 7 desta ordenanza fiscal, para a introdución da seguinte bonificación potestativa de carácter rogado por especial interese ou utilidade pública:

ARTIGO 7.- Bonificacións

7. Bonificación por implantación dunha nova actividade económica ou empresarial ou ampliación das instalacións

1.- Terán dereito a unha bonificación na cota as construcións, instalacións ou obras que sexan declaradas de especial interese ou utilidade municipal por concorrer circunstancias de fomento do emprego. Esta medida será de aplicación unicamente a aqueles supostos de implantación dunha nova actividade económica ou empresarial, así como a aqueles outros que consistan nunha ampliación das instalacións sempre e cando implique creación de emprego.

Para estes supostos declarados de especial interese ou utilidade municipal por concorrer circunstancias de fomento do emprego a bonificación terá os seguintes tramos:

- Ata 95 por 100 pola creación de mais de 20 postos de traballo
- Cando menos 75 por 100 pola creación de entre 11 e 20 postos de traballo
- Cando menos o 50 por 100 pola creación de ata 10 postos de traballo

2.- Para a concesión de dita bonificación deberán concorrer, en todo caso, os seguintes requisitos:

-A solicitude de declaración de especial interese ou utilidade pública municipal por fomento do emprego, deberá realizarse unha vez iniciada a actividade da explotación económica en Cambados, debendo acompañarse á mesma documentación acreditativa de que se cumpran os requisitos previstos no presente apartado.

-O suxeito pasivo do Imposto deberá de ser, necesariamente, o titular da explotación económica que se desenvolva no Inmóble sito en Cambados e para a que se solicita a declaración de especial interese ou utilidade municipal por fomento de emprego e/ou sociais.

-O goce definitivo deste beneficio fiscal quedará condicionado, así mesmo, á permanencia en activo dos centros de traballo situados en Cambados, durante o período ao que se aplique a presente bonificación. O suxeito pasivo deberá atoparse ao corrente no pago dos tributos locais e das cotas correspondentes á Seguridade Social. No caso de actividades xa existentes en Cambados, ou de traslado das mesmas, deberá xustificarse que no ano anterior á solicitude non houbo diminución de persoal no centro de traballo para o cal se solicita a bonificación, nin con motivo do traslado. Pola súa banda, anualmente, deberá xustificarse que non se produciu diminución do persoal no centro de traballo situado no inmóble obxecto de bonificación. Esta bonificación non será compatible coa aplicación das outras bonificacións fiscais do imposto, reguladas na presente Ordenanza Fiscal.

2. Dar una nova redacción o artigo 7, apartado 1, parágrafo 1 desta ordenanza fiscal referido á bonificación no ICIO a favor das construcións, instalacións e obras que sexan declaradas de especial interese ou utilidade municipal, que queda como segue:

1. En virtude do artigo 103.2.a) do Texto Refundido da Lei Reguladora das Facendas Locais, aplicarase unha bonificación do 95% a favor das construcións, instalacións e obras que sexan declaradas de especial interese ou utilidade municipal por concorrer circunstancias sociais, culturais ou histórico-artísticas que xustifiquen tal declaración. Corresponderá dita declaración ó Pleno da Corporación e acordarase, previa solicitude do suxeito pasivo, por voto favorable da maioría simple dos seus membros.

2. A bonificación ás que fan referencia neste apartado anterior deste artigo terán carácter rogado, e será necesaria a acreditación do suxeito pasivo de estar incurso no suposto establecido, presentando a documentación demostrativa do mesmo.

3. Modificar disposición final desta ordenanza, nos seguintes termos:

A modificación da presente ordenanza fiscal, unha vez publicada integramente no Boletín Oficial da Provincia de Pontevedra, entrará en vigor o día seguinte a súa publicación, e permanecendo en vigor hasta a súa modificación ou derogación expresa.

SEGUNDO.- Dar ao expediente a tramitación e publicidade preceptiva, mediante exposición do mesmo no taboleiro de anuncios deste Concello por prazo de trinta días hábiles, publicando o anuncio de exposición no Boletín Oficial da Provincia e nun diario dos de maior difusión da provincia. Durante o prazo de exposición pública do expediente os interesados poderán examinalo e expor as reclamacións que estimen oportunas.

TERCEIRO.- Considerar, no caso de que non se presentasen reclamacións ao expediente, no prazo anteriormente indicado, que o Acordo é definitivo, en base ao artigo 17.3 do Real Decreto Lexislativo 2/2004, do 5 de marzo, polo que se aproba o Texto Refundido da Lei Reguladora das Facendas Locais.

Ratifícase a inclusión do punto na orde do día por unanimidade (17)

5º.- ADHESIÓN, SE PROCEDE, AO PROTOCOLO XERAL DE ACTUACIÓN ENTRE A XUNTA DE GALICIA E A FEGAMP PARA FOMENTAR A IMPLANTACIÓN E FIXACIÓN DE

EMPRESAS EN GALICIA MEDIANTE A CREACIÓN DA INICIATIVA “CONCELLO DOING BUSINESS GALICIA”.

Sometida a proposta a votación esta é aprobada por unanimidade (17) sendo o texto do acordo o seguinte:

PROPOSTA DE ADHESIÓN AO PROTOCOLO XERAL DE ACTUACIÓN ENTRE A XUNTA DE GALICIA E A FEGAMP PARA FOMENTAR A IMPLANTACIÓN E FIXACIÓN DE EMPRESAS EN GALICIA MEDIANTE A CREACIÓN DA INICIATIVA "CONCELLOS DOING BUSINESS GALICIA"

Xurxo Charlín Trigo, con DI 76.862.042-K, concelleiro do Ilmo. Concello de Cambados, en base ao disposto nos artigos 91.4 e 97.3 do Regulamento de Organización, Funcionamento e Réxime Xurídico das entidades locais e demais normativa que poida resultar de aplicación, presenta, diante do Pleno da Corporación esta proposta de Adhesión, se procede, do Concello de Cambados ao Protocolo Xeral de Actuación entre a Xunta de Galicia e a FEGAMP para fomentar a Implantación e Fixación de Empresas en Galicia mediante a creación da iniciativa “Concellos Doing Business Galicia”, en base á seguinte

EXPOSICIÓN DE MOTIVOS

Visto o convenio de colaboración entre a Xunta de Galicia e a Federación Galega de Municipios e Provincias (FEGAMP) para establecer un marco de colaboración entre a Xunta de Galicia e as diferentes administracións locais de Galicia, de xeito que poidan implicarse de maneira directa no fomento da implantación e fixación de empresas no territorio da Comunidade Autónoma de Galicia, mediante a posta en marcha da iniciativa "Concellos Doing Business Galicia", dentro do cal as Entidades Locais poderán asinar a súa adhesión ao convenio.

Solicitada a adhesión por parte do Concelleiro de Economía e Facenda ao Pleno do Concello de Cambados e que tome os seguinte acordo:

Primeiro.- Solicitar a adhesión ao convenio de colaboración entre a Xunta de Galicia e a Federación Galega de Municipios e Provincias (FEGAMP) para establecer un marco de colaboración entre a Xunta de Galicia e as diferentes administracións locais de Galicia, de xeito que poidan implicarse de maneira directa no fomento da implantación e fixación de empresas no territorio da Comunidade Autónoma de Galicia, mediante a posta en

marcha da iniciativa "Concellos Doing Business Galicia", dentro do cal as Entidades Locais poderán asinar a súa adhesión ao convenio.

Segundo.- Notificar o presente acordo á Xunta de Galicia e FEGAMP

6º.- APROBACIÓN SE PROCEDE DO DITAME REFERENTE Á ASUNCIÓN POLA ADMINISTRACIÓN XERAL DA COMUNIDADE AUTÓNOMA DE GALICIA DA CONVOCATORIA E DESENVOLVEMENTO DOS PROCESOS SELECTIVOS UNITARIOS PARA O ACCESO ÁS DIFERENTES CATEGORÍAS DOS CORPOS DE POLICÍA LOCAL E AS PRAZAS DE AUXILIARES DE POLICÍA LOCAL

Procede o secretario á lectura do ditame que é o seguinte:

“A Comisión Informativa Permanente de Réxime Interior e Servizos, en sesión extraordinaria celebrada o 22 de xaneiro de 2018, emitiu ao amparo do previsto no artigo 126 do Real Decreto 2568/1986, do 28 de novembro, polo que se aproba o Regulamento de Organización, Funcionamento e Réxime Xurídico das Entidades Locais, e 65 do Regulamento orgánico municipal o seguinte ditame que ten carácter preceptivo e non vinculante:

Moción do grupo municipal do Partido Popular sobre a asunción pola Administración Xeral da Comunidade Autónoma de Galicia da convocatoria e desenvolvemento dos procesos selectivos unitarios para o acceso ás diferentes categorías dos corpos de policía local e as prazas de auxiliares de policía local.

Intervén o Sr. Aragunde Aragunde quen en primeiro lugar dí que compre eliminar do punto 4º a palabra opcional, xa que ista palabra foi eliminada do borrador que tiña, pero que se trabucou ao presentar a moción.

Prosegue a dicir que este asunto saíu na prensa, que a Xunta de Galicia dende a Academia Galega de Seguridade pon en marcha un sistema ao que xa se acolleron outros concellos como o de Vilagarcía ou Noia, para cubrir as prazas de policía local o cal supón un aforro en gastos de anuncios ou tribunais, ademáis da diminución da carga de traballo, entende que é un

sistema máis transparente e homoxéneo e que será positivo para o Concello de Cambados.

Solicita a palabra o secretario xeral do concello séndolle concedida polo Presidente Sr. Pérez Osorio. O secretario indica que é necesario o seu informe ao requirir o acordo de maioría absoluta do número legal de membros da Corporación e que o emitirá antes de que se convoque o pleno, que vista a documentación o informe será favorable, quere recalcar que para o ano 2018 únicamente entrarían en principios as prazas para auxiliares da policía local, e que os dous procesos que están convocados, integración de 4 policía locais interinos e una praza de mobilidade de oficial son procesos xa iniciados ademáis de que non se contemplan nos supostos que establece o Decreto para o ano 2018, que únicamente establece prazas para a categoría de policía por quenda libre, pero que lle queda comprobar se sería necesario modificar a Ordenanza fiscal que regula a taxa por dereitos de exame do Concello de Cambados, xa que segundo o convenio a taxa será a establecida na lexislación de taxas da Comunidade Autónoma de Galicia.

Interveñen os Srs. Caamaño Rivas, Cordal Rodríguez, Pérez Osorio e Abal Varela quenes anuncian que se van a abster.

Sometida a moción a votación acádase o seguinte resultado:

Votos a favor 3 (Srs. Aragunde Aragunde, Iglesias Pombo e Serantes González).

Abstencións 4 (Srs. Pérez Osorio, Cordal Rodríguez, Caamaño Rivas, e Abal Varela).

En consecuencia ditaminase favorablemente a Moción do grupo municipal do Partido Popular sobre a asunción pola Administración Xeral da Comunidade Autónoma de Galicia da convocatoria e desenvolvemento dos procesos selectivos unitarios para o acceso ás diferentes categorías dos corpos de policía local e as prazas de auxiliares de policía local nos seguintes términos:

EXPOSICIÓN DE MOTIVOS.

A seguridade pública é un dos deberes mais importantes que teñen que garantir todos os mandatarios públicos como dereito de todos os vecinos e veciñas.

A Policía Local, para cumprir coa súa función, debe ter os medios persoais e materiais necesarios, sendo de especial importancia que as plantillas municipais teñan a suficiente dotación para garantir a seguridade pública.

A Xunta de Galicia, a través da Vicepresidencia e Consellería de Presidencia, Administracións Públicas e Xustiza en colaboración coa Federación Galega de Municipios e Provincias, ven de aprobar o DECRETO 115/2017, do 17 de novembro, polo que se regula a cooperación da Administración xeral da Comunidade Autónoma cos concellos na selección dos membros dos corpos de policía local, vixiantes municipais e auxiliares da policía local, publicado no DOG 22/11/2017.

O pasado día nove de xaneiro de 2018, presentouse na Academia Galega de Seguridade Pública o devandito Decreto, cunha masiva presenza de Alcaldes/as, Concelleiros/as, Concellos e persoal técnico con corpos de Policía Local. Na dita xornada procedeuse a explicar o funcionamento do mesmo, procedemento e especialmente prazos para ter realizados os trámites internos de cada Concellos, asinar o convenio e comunicar as prazas a convocar.

Toda a documentación necesaria para a sinatura do convenio pode descargarse no enlace <https://agasp.xunta.gal/es/node/828>.

Sen dúbida alguna, a nova normativa supón un fito histórico por canto por primeira vez é posible realizar de xeito consensuado e voluntario un único proceso unitario para a selección da Policía Local de Galicia abundando na súa mellora, profesionalización e concepción de corpo único.

Por outra banda, os beneficios para os concellos son claros na medida en que os procesos serán totalmente gratuitos para as entidades locais e suporá a liberación de todas as cargas administrativas que supoñen para o persoal

dos Concellos a tramitación e resolución de procesos selectivos longos e complexos dada a especificidade da materia, o que tamén facilita claramente a cobertura de postos para dotar á policía local dos efectivos necesarios.

Ademais, non podemos esquecer outra novidade de gran importancia para os Concellos como é a creación das listaxes de contratación de auxiliares para aqueles concellos que teñan asinado o convenio e que permitirá que una vez celebrado o primeiro proceso selectivo unitario, se cree a devandita listaxe para que os Concellos poidan solicitar de forma inmediata para os supostos previstos na lexislación a designación dos auxiliares necesarios cando as circunstancias o requiran, o que indubidablemente supón un procedemento áxil e eficaz para mellorar ou suplir deficiencias na seguridade pública.

No obstante, para que durante o ano 2018 se poida realizar a primeira convocatoria coordinando todas as prazas dos Concellos de Galicia, o convenio coa Vicepresidencia e Consellería de Presidencia, Administracións Públicas e Xustiza e a comunicación das prazas a convocar de policía locais/Auxiliares de Policía/Vixiantes Municipais debe realizarse antes de finalizar o mes de febreiro para auxiliares de policía local e o mes de marzo para policía locais e vixiantes.

Neste senso, resulta obvio que considerando que para a sinatura do convenio é necesario a súa aprobación polo pleno delegando as competencias, así como a realización dos trámites internos necesarios para comunicar as prazas a convocar, para a súa aprobación polo PLENO atendendo aos prazos legais establecidos.

O PLENO DA CORPORACIÓN ACORDA:

1º.- Aprobar a delegación de competencias relativas á convocatoria e desenvolvemento dos procesos selectivos para o acceso ás diferentes categorías do seu corpo de policía local e as prazas de auxiliares de policía local.

2º.- Facultar á Alcaldesa para a sinatura do convenio para a ASUNCIÓN POLA ADMINISTRACIÓN XERAL DA COMUNIDADE AUTÓNOMA DE GALICIA DA CONVOCATORIA E DESENVOLVEMENTO DOS PROCESOS SELECTIVOS UNITARIOS PARA O ACCESO ÁS DIFERENTES CATEGORÍAS DOS CORPOS DE POLICÍA LOCAL E AS PRAZAS DE AUXILIARES DE POLICÍA LOCAL.

3º.- Realizar todos os trámites internos oportunos por parte do Concello para que en forma e prazo se comuniquen a Academia Galega de Seguridade Pública nos anexos establecidos ao efecto as prazas a convocar de policía locais e auxiliares, e en todo caso antes de finalizar o mes de febreiro para auxiliares e o mes de marzo para policía locais.

4º.- Acordar que para os sucesivos anos e segundo se asuman a partires do próximo ano pola Academia Galega de Seguridade Pública os procesos selectivos unitarios para as restantes categorías da policía local, comunicar en forma e nos prazos establecidos no Decreto 115/2017, do 17 de novembro, as diferentes prazas a convocar.”

Intervén o Sr. Aragunde Aragunde quen dá lectura á moción presentada dí que isto se trae ao pleno porque pensan que é moi útil e áxil, que se libera de carga ao persoal do concello e que outorga máis transparencia.

Intervén a Sra. Alcaldesa quen dí que é certo que o 28 de decembro se lles convou aos alcaldes, que acudiu e que nesa reunión se fixo unha exposición de motivos e que se fixeron unha serie de preguntas, que non existe unha equiparación salarial nos Concellos de Galicia, que Cambados é un dos Concellos que ten os salarios máis baixos para os membros do Corpo de Policía Local e que lles xurde a dúbida de se os seleccionados porán trabaxa xa que primeiro mirarán as retribución co que Cambados escollerase en derradeiro lugar. Asimesmo di que tivo unha xuntanza cos membros da policía local e que despois lle trasladan un escrito asinado por 11 dos 18 membros do plantel que é mellor esperar a ver como funciona noutros concellos e de momento non acordar nada no pleno.

Intervén o Sr. Abal Varela quen dí que existen unha serie de dúbidas, que é un novo procedemento e que non saben como vai a funcionar, que os

policías locais de Galicia non cobran o mesmo, que para garantir o proceso selectivo se pode crear unha comisión de seguimento parecida á da cidade europea do viño. Anuncia que se van a abster xa que 11 dos 18 membros do corpo de policía local están en contra da adhesión ao convenio e que a selección a faga a Academia de Seguridade non garantiza que sexa máis transparente que o Concello de Cambados.

Intervén o Sr Cordal Rodríguez quen dí que están a favor na redución de custos na contratación administrativa, así como na axilización dos trámites e transparencia na contratación e selección do persoal. Remata dicindo que visto o informe de secretaría van a votar a favor.

Intervén o Sr. Caamaño Rivas quen dí que hai puntos que non lle convencen, que se perde capacidade e que debería facerse con carácter xeral e non para un só colectivo. Entende non obstante que traerá máis cousas positivas que negativas.

Intervén o Sr. Aragunde Aragunde que agradece o apoio, que escoitou que o policías 8 estaban a favor e 8 en contra, dí que outros concellos xa o fixeron, que lles choca que entren sempre os mesmos auxiliares administrativos.

Intervén a Sra. Alcaldesa quen dí que parece que o PP ten máis información ca eles, que o problema é a retribución xa que os que saquen as notas máis altas non escollerán Cambados e anteriormente a xente se presentaba aquí porque lle interesaba.

Intervén o Sr. Caamaño Rivas quen dí que o BNG está aquí para que os procesos sexan limpos ne o máis transparentes posibles.

Sometido o ditame a votación acádase o seguinte resultado que require de maioría absoluta do número legal de membros da corporación:

Votos a favor 13 (Membros dos grupo municipais do PP, BNG e Somos Cambados)

Abstencións 4 (Membros dos grupos municipais do PSdeG-PSOE e grupo mixto)

En consecuencia queda aprobado o ditame referente á asunción pola Administración Xeral da Comunidade Autónoma de Galicia da convocatoria e desenvolvemento dos procesos selectivos unitarios para o acceso ás diferentes categorías dos Corpos de Policía Local e as prazas de auxiliares de Policía Local nos termos nos que foi presentado.

II PARTE DE CONTROL E FISCALIZACIÓN DA XESTIÓN DOS ÓRGANOS MUNICIPAIS DE GOBERNO

7º.- ACORDO DE GOBERNO SOBRE REXEITAMENTO DO PROXECTO DE LEI XERAL DE ORZAMENTOS DO ESTADO 2018.

Preséntase unha emenda por parte do Grupo municipal do PP que consiste en engadir o seguinte texto: “ O pleno do Concello de Cambados instas aos grupos parlamentarios do Congreso dos deputados a que exerzan a súas funcións coa máxima responsabilidade e, dentro dun marzo de consenso e negociación, poidan chegar a un acordo que permita a aprobación dos Orzamentos Xerais do Estado para o 2018”.

Intervén o Sr. Charlín Trigo dí que non a poden aceptar xa que esta foi unha reivindicación dun sindicato que agora non van mudar sen poder tratala con eles. Dí que cando se fala de administración local falan da administración máis cercana coa cidadanía, que o concello de Cambados cumpre co teito de gasto, que hai 45 medidas consensuadas para un financiamento local xusto e non discriminatorio, que o plantel de persoal vai envellecendo e non é normal que se imponha a taxa de reposición de efectivos.

Intervén o Sr. Aragunde Aragunde quen dí que plantexan esta emenda para votar a favor, xa que os orzamentos non se aproban porque só dous grupo parlamentarios están a favor de que se aproben os orzamentos xerais. Dí que están dacordo con todas as demandas que plantexa CCOO motivo polo cal aínda que non se aprobé a emenda votarán a favor.

Sometida a emenda a votación acádase o seguinte resultado

Votos a favor: 8 (Membros do grupo municipal do PP)

Votos en contra: 9 (Membros dos grupos municipais do PSdeG-PSOE, BNG, Somos Cambados e mixto)

En consecuencia queda rexeitada a emenda do PP de adición ao texto.

Sometido o texto a votación este é aprobado por unanimidade. En consecuencia queda aprobado o Acordo de goberno sobre rexeitamento do Proxecto de Lei Xeral de Orzamentos do Estado 2018, nos termos nos que foi presentado.

O texto é o seguinte:



CAMBADOS
REXISTRO ENTRADA
2017-E-RC-8413
22/12/2017 09:37



SECTOR LOCAL

XOÁN A. CANEDA GONZÁLEZ con DNI 35436526 Coordinador Xeral do Sector da Administración Local de CCOO de Galicia, con enderezo e efectos de notificacións na rúa Alexandre Bóveda, 1-1º 36600 de Vilagarcía de Arousa, e-mail: xcaneda-arousa@galicia.ccoo.es, presenta no Rexistro a seguinte moción, para que sexa entregada a todos os Grupos Políticos deste Concello para o seu debate e presentación a Pleno para a súa aprobación.

MOCIÓN QUE PRESENTA O GRUPO MUNICIPAL _____ DO CONCELLO DE ANTE OS ORZAMENTOS XERAIS DO ESTADO PARA 2018

EXPOSICIÓN DE MOTIVOS:

A crise económica iniciada en 2007 aumentou gravemente os niveis de desigualdade entre as persoas, poñendo en perigo a convivencia e cohesión social. Os servizos públicos víronse recortados e desbordados para cubrir as necesidades e dereitos da cidadanía.

Os traballadores e traballadoras da Administración Local e do conxunto de servizos públicos sufriron baixadas salariais, aumentos de xornada e carga de traballo, ademais de ter prohibida de facto a negociación colectiva, por os sucesivos reais decretos.

As cifras macroeconómicas do pasado e actual ano son positivas, con crecimentos do PIB do 3,2% no 2016, pero non se traduce nunha maior igualdade, sinón ao contrario os beneficios empresariais triplicáronse mentras que os salarios siguen estancados, procedendo ao denunciado trasvase de rendas do traballo a rendas do sector financeiro.

Na Administración Local non se está creando emprego sinón todo o contrario, así como a calidade do emprego está sendo insuficiente para dar os Servizos necesarios que require a cidadanía, agora que as familias teñen máis necesidade de axudas.

As Administracións Locais, a pesar de ter a maioría unhas contas saneadas, e ter superávit, vense limitadas para dotar aos servizos públicos con orzamento adecuado e cos empregados e empregadas públicos necesarios, porque o Goberno do Estado o impide a traveso da lei de orzamentos, mantendo a taxa de reposición, a limitación de ofertas públicas de emprego e as prioridades no gasto, así como manteñen o teito de gasto, non permitindo que os concellos saneados economicamente invistan nas necesidades de cada municipio.

Outro aspecto que esiximos e que axa unha negociación dunha nova financiación das Administracións Locais, dado que a actual é insuficiente.

Por todo elo, este pleno insta ao Goberno do Estado e ao Parlamento, que os Orzamentos Xerais do Estado para 2018 contemplan:

1. Unha correcta financiación da Administración, Local, que nos garanten o acceso universal a uns servizos de calidade e igualdade de oportunidades. Para os que é necesario unha reforma fiscal progresiva.
2. Reforzar os Servizos Públicos, como, Enseñanza, Servizos Sociais Dependencia, Suministro de Auga, servizos de atención o público, I+D+I, entre outros, que permita unha mellora da calidade de vida, a cohesión social, dinamizar a economía local e xerar emprego.



3. Unha correcta financiación da Administración, Local, que nos garanten o acceso universal a uns servizos de calidade e igualdade de oportunidades. Para os que e necesario unha reforma fiscal progresiva.
4. **Reforzar os Servizos Públicos**, como, Enseñanza, Servizos Sociais Dependencia, Suministro de Auga, servizos de atención o público, I+D+i, entre outros, que permita unha mellora da calidade de vida, a cohesión social, dinamizar a economía local e xerar emprego.
5. Un aumento nas inversións públicas por un avance nas nosas infraestruturas, que ademais de xerar emprego, e garantía de cohesión social e territorial.
6. **Modificar as limitacións nas prioridades de gasto** e inversión dos seus orzamentos nas administracións locais, respetando a autonomía de cada administración.
7. **Eliminar as limitacións á creación de emprego público** nas administracións locais. Eliminando a taxa de reposición e permitindo novas ofertas de emprego público, así como un plan de ofertas extraordinarias de emprego nun tempo determinado para recuperar os empregos perdidos dende o 2012.
8. **Desenvolver o Estatuto do Empregado Público** e permitir unha negociación colectiva real en cada administración cos seus empregados públicos. Dispoñendo da dotación orzamentaria para devolver as cantidades salariais sustraidas aos empregados e empregadas públicos, así como outras condicións laborais arrebatadas.
9. **Cláusulas Sociais obrigatorias na contratación pública** que garanten a eficiencia e transparencia do servizo, así como o Emprego, as Condicións laborais e a subrogación das persoas traballadoras.

Por todas estas razóns, o Concello de Cambados mostra o seu rexeite ao Proxecto de Lei Xeral de Orzamentos 2018 por atentar contra a autonomía municipal e eleva ao Goberno central a proposta de esixir unha negociación cos axentes sociais e a FEMP no sinalado anteriormente

Dar traslado deste acordo aos Gobernos Central e Autonómico, aos Grupos Políticos do Congreso de Diputados e do Parlamento de Galicia , á Xunta de Goberno da FEGAMP e a FEMP.

Vilagarcía a 19 de decembro de 2017

Asdo: Xan Caneda González
Coordinador Xeral Sector Admón Local CCOO Galicia



SRA. ALCALDESA DO CONCELLO DE CAMBADOS

8º.- MOCIÓN DO GRUPO MUNICIPAL DE SOMOS CAMBADOS PARA SOLICITAR MEDIDAS PARA EVITAR OU LIMITAR OS CORTES PRODUCIDOS NO SERVIZO DE DISTRIBUCIÓN ELÉCTRICA CADA VEZ QUE SE PRODUCE UN TEMPORAL.

Intervén o Sr. Cordal Rodríguez dando lectura ao texto da moción que é o seguinte:

“MOCION PARA SOLICITAR MEDIDAS PARA EVITAR OU LIMITAR OS CORTES PRODUCIDOS NO SERVIZO DE DISTRIBUCIÓN ELÉCTRICA CADA VEZ QUE SE PRODUCE UN TEMPORAL

EXPOSICIÓN DE MOTIVOS

O pasado mes de decembro e novembro producíronse en Galicia temporais de intensidade media que estaban previstos polos institutos de metereoloxía.

Como consecuencia dos mesmos, moitas instalacións de distribución eléctrica ao longo do país sufriron incidencias que deixaron sen servizo a moitas persoas durante horas, no caso de Cambados foron máis de 5.000 usuarios no pasado mes de decembro e 7.000 en novembro na comarca do Salnés.

Estes inxustificadas cortes provocaron innumerables e cuantiosos prexuízos persoais e económicos á cidadanía e as empresas, agravados polo feito de que ademais adoitan implicar a caída da rede de telefonía e internet.

A responsable do monopolio natural da distribución en Galicia, e de maneira case única, a compañía Gas Natural Fenosa Distribución, que percibe ao ano o importe que polo servizo de distribución se carga nos recibos de todos os abonados e abonadas. No exercicio 2016 Fenosa ingresou por este concepto 715 Millóns de Euros unha moi importante cifra que debería garantir un servizo de máxima calidade e seguridade.

Este importe desglosase nas seguintes partidas: 429 Millóns de Euros para inversións na actualización e mellora das instalacións; 160 Millóns de Euros para operación e mantemento e 126 Millóns de Euros para outras tarefas (lectura de contadores, facturación, atención telefónica, planificación e custes de estrutura).

Estase tratando de trasladar á cidadanía que os cortes de luz son consecuencia normal do mal tempo; un mal tempo previsto con antelación. Pero isto non é así, e débese, segundo o noso criterio, aos seguintes factores:

-Falta de desenvolvemento e planificación dunha rede máis segura e redundante e de inversión suficiente para facelo posible, sobre todo no medio rural.

-Ausencia total de mantemento preventivo da rede e das servidumes de paso das liñas.

-Subcontratación dos traballos de reparación de avarías a compañías con insuficientes medios técnicos e persoais e escaso coñecemento das instalacións e das zonas onde deben actuar.

A ausencia de persoal propio da compañía de maneira estable, en todas as comarcas, fai que, en caso de avarías ou incidencias, as compañías subcontratadas tarden moito en intervir e debido a mala información non teñan a capacidade de priorizar as incidencias máis importantes. Desta maneira os responsables públicos locais e os cidadáns non teñen a ninguén de referencia para poder trasladar reclamacións e información sobre situacións críticas, tendo como único contacto un teléfono de atención xeral que en situacións como a que acaba de acontecer adoita estar saturado e tórdanse varios días en recibir contestación ás reclamacións.

Ante todo o exposto, dende Somos Cambados consideramos que o Goberno da Xunta de Galicia ten que intervir de maneira urxente para implementar as medidas que solucionen ou palién as consecuencias dos temporais na rede eléctrica. A este fin, o Pleno do Concello de Cambados

ACORDA

Instar á Xunta de Galicia a:

1.- Solicitar un informe anual desagregado dos investimentos a realizar na rede de distribución eléctrica en Galicia por parte de Gas Natural Fenosa

Distribución con tempo suficiente para poder facer alegación e propostas de mellora.

2.- Solicitar un informe anual desagregado do orzamento anual de Gas Natural Fenosa Distribución para o mantemento da rede en Galicia con tempo suficiente para poder facer alegacións e propostas de mellora.

3.- Implantar, en coordinación coa compañía distribuidora, un procedemento estandar de reclamación sinxelo e accesible para toda a cidadanía que garanta o pago áxil, xusto e rápido das indemnizacións que correspondan en caso de cortes prolongados.

4.- Esixir á compañía distribuidora a ter persoal propio estable en cada comarca responsable da supervisión da rede. Desta maneira os responsables públicos locais e os cidadáns terían persoas de referencia para poder trasladar reclamacións e información sobre situacións críticas e non ter que comunicarse de maneira desesperante cun robot de atención o cliente.

5.- Implantar un servizo de atención ao usuario (dentro dos 126 Millóns de Euros que a compañía cobra ao ano por atención), que achegue información on-line por comarcas, concellos, parroquias e lugares indicando o estado e a previsión de reposición. Isto é común en moitos países onde teñen situacións de temporal. Este servizo on-line vía whats-App, mensaxes, ou app para móbiles axudaría moito descargando ao telefono de atención e aportaría certidume aos cidadáns para poder tomar medidas paliativas a tempo.”.

Prosegue o Sr. Cordal Rodríguez dicindo que as peaxes facturadas foron de máis de 18.000.000,00 € en 5 anos e que non viron que tivera consecuencia na mellora da rede.

Intervén o Sr. Abal Varela quen dí que nestas últimas semanas e meses houbo moitas avarías que afectaron a moitos cambadeses, que se puxeron en contacto co servizo de mantemento de Unión Fenosa Distribución, que se cambiou un transformador en Santa Mriña, que todos pagamos o recibo e máis e que hai que esixir o mellor servizo posible. Anuncia o seu voto en sentido favorable.

Intervén o Sr. Caamaño Rivas quen anuncia o voto favorable do seu grupo.

Intervén a Sra. Alcaldesa quen anuncia o voto favorable do seu grupo.

Intervén o Sr. Aragunde Aragunde quen dí que o que se solicita é bastante coherente pero porque se insta á Xunta de Galicia e non se insta a Gas Natural Fenosa xa que o Concello como gran cliente pode facelo ademási para que está a FEGAMP.

Intervén o Sr. Cordal Rodríguez quen dí que ponse á Xunta de Galicia porque ten máis forza pero que non hai inconveniente en instar á FEGAMP e a Gas Natural Fenosa.

Presentada esta emenda polo PP esta é aprobada por unanimidade (17).

Sometida a moción a votación xa emendada esta é aprobada por unanimidade (17) quedando redactada do seguinte xeito:

MOCION PARA SOLICITAR MEDIDAS PARA EVITAR OU LIMITAR OS CORTES PRODUCIDOS NO SERVIZO DE DISTRIBUCIÓN ELÉCTRICA CADA VEZ QUE SE PRODUCE UN TEMPORAL

EXPOSICIÓN DE MOTIVOS

O pasado mes de decembro e novembro producíronse en Galicia temporais de intensidade media que estaban previstos polos institutos de metereoloxía.

Como consecuencia dos mesmos, moitas instalacións de distribución eléctrica ao longo do país sufriron incidencias que deixaron sen servizo a moitas persoas durante horas, no caso de Cambados foron máis de 5.000 usuarios no pasado mes de decembro e 7.000 en novembro na comarca do Salnés.

Estes inxustificadas cortes provocaron innumerables e cuantiosos prexuízos persoais e económicos á cidadanía e as empresas, agravados polo feito de que ademais adoitan implicar a caída da rede de telefonía e internet.

A responsable do monopolio natural da distribución en Galicia, e de maneira case única, a compañía Gas Natural Fenosa Distribución, que

percibe ao ano o importe que polo servizo de distribución se carga nos recibos de todos os abonados e abonadas. No exercicio 2016 Fenosa ingresou por este concepto 715 Millóns de Euros unha moi importante cifra que debería garantir un servizo de máxima calidade e seguridade.

Este importe desglósase nas seguintes partidas: 429 Millóns de Euros para inversións na actualización e mellora das instalacións; 160 Millóns de Euros para operación e mantemento e 126 Millóns de Euros para outras tarefas (lectura de contadores, facturación, atención telefónica, planificación e custes de estrutura).

Estase tratando de trasladar á cidadanía que os cortes de luz son consecuencia normal do mal tempo; un mal tempo previsto con antelación. Pero isto non é así, e débese, segundo o noso criterio, aos seguintes factores:

- Falta de desenvolvemento e planificación dunha rede máis segura e redundante e de inversión suficiente para facelo posible, sobre todo no medio rural.

- Ausencia total de mantemento preventivo da rede e das servidumes de paso das liñas.

- Subcontratación dos traballos de reparación de avarías a compañías con insuficientes medios técnicos e persoais e escaso coñecemento das instalacións e das zonas onde deben actuar.

A ausencia de persoal propio da compañía de maneira estable, en todas as comarcas, fai que, en caso de avarías ou incidencias, as compañías subcontratadas tarden moito en intervir e debido a mala información non teñan a capacidade de priorizar as incidencias máis importantes. Desta maneira os responsables públicos locais e os cidadáns non teñen a ninguén de referencia para poder trasladar reclamacións e información sobre situacións críticas, tendo como único contacto un teléfono de atención xeral que en situacións como a que acaba de acontecer adoita estar saturado e térdanse varios días en recibir contestación ás reclamacións.

Ante todo o exposto, dende Somos Cambados consideramos que o Goberno da Xunta de Galicia ten que intervir de maneira urxente para implementar as medidas que solucionen ou palién as consecuencias dos temporais na rede eléctrica. A este fin, o Pleno do Concello de Cambados

ACORDA

Instar á Xunta de Galicia, á FEGAMP e a Gas Natural Fenosa Distribución a:

- 1.- Solicitar un informe anual desagregado dos investimentos a realizar na rede de distribución eléctrica en Galicia por parte de Gas Natural Fenosa Distribución con tempo suficiente para poder facer alegación e propostas de mellora.
- 2.- Solicitar un informe anual desagregado do orzamento anual de Gas Natural Fenosa Distribución para o mantemento da rede en Galicia con tempo suficiente para poder facer alegacións e propostas de mellora.
- 3.- Implantar, en coordinación coa compañía distribuidora, un procedemento estandar de reclamación sinxelo e accesible para toda a cidadanía que garanta o pago áxil, xusto e rápido das indemnizacións que correspondan en caso de cortes prolongados.
- 4.- Esixir á compañía distribuidora a ter persoal propio estable en cada comarca responsable da supervisión da rede. Desta maneira os responsables públicos locais e os cidadáns terían persoas de referencia para poder trasladar reclamacións e información sobre situacións críticas e non ter que comunicarse de maneira desesperante cun robot de atención o cliente.
- 5.- Implantar un servizo de atención ao usuario (dentro dos 126 Millóns de Euros que a compañía cobra ao ano por atención), que achegue información on-line por comarcas, concellos, parroquias e lugares indicando o estado e a previsión de reposición. Isto é común en moitos países onde teñen situacións de temporal. Este servizo on-line vía whats-App, mensaxes, ou app para móbiles axudaría moito descargando ao telefono de atención e aportaría certidume aos cidadáns para poder tomar medidas paliativas a tempo.”.

Dilixencia: Para facer constar que se produce unha pausa de 5 minutos reanudándose a sesión.

9º.- DAR CONTA DO PLAN ESPECIAL DE INFRAESTRUTURAS EN SOLO RÚSTICO DA PROLONGACIÓN DA RÚA “A PACHECA”.

Procede o secretario a entregar unha copia da documentación.

Intervén o Sr. Abal Varela quen explica as xestións que se realizaron cos veciños e que teñen acordo cos 17 veciños, que o Plan Especial de Infraestruturas llo recomendaron na Xunta de Galicia que está feito e informado técnicamente e que falta o informe do secretario, que primeiramente pasará por Xunta de Goberno Local e que logo pasará polo pleno.

10º.- DAR CONTA DAS RESOLUCIÓNS DA ALCALDÍA

Dase conta das resolucións da alcaldía. Dí o secretario que faltas os decretos números 475 a 479, 486, 491 do ano 2017 e do 8 ao 11 de 2018, que non sabe porqué figura este salto e que se puxo en contacto coa empresa, que cando se saiba o motivo se dará conta ao pleno.

O Pleno dase por enterado.

11º.- ROGOS E PREGUNTAS

Se fagan as xestións oportunas coa deputación de Pontevedra para que se arranxe o pavimento da estrada provincial 9.002 no treito de Oubiña.

E sen máis asuntos que tratar a Sra. Alcaldesa da por rematada a sesión, cando son as vintetrés horas e sete minutos, de todo o que eu como secretario dou fe.

Vº. e Prace
A ALCALDESA



O SECRETARIO XERAL



Stamp: PLANO CONCELLO DE CAMBADOS SECRETARÍA XERAL